

CYNGOR TREF LLANGEFNI

COFNODION Cyfarfod Llawn Cyngor Tref Llangefni, **Nos Lun 11eg o Ionawr 2021 am 6.30.y.h.** trwy gyfrwng TEAMS.

PRESENNOL : Cyng. Margaret Thomas - Cadeirydd
 Cyng. Ieuan G. Davies - Cyng. Arwel Môn Hughes
 Cyng. Victor Hughes - Cyng. Terry Jones
 Cyng. Gwenan Ll. Evans - Cyng. J. Egryn Lewis
 Cyng. J. Huw Owen - Cyng. Richard Parry
 Cyng. Non W. Parry - Cyng. Christine Roberts.

HEFYD YN BRESENNOL : Cyng. Dylan Rees - Cynghorydd Sir
 Mr. H. Rhys Parry - Clerc
 Ms. Linda Powell - Cymhorthydd Clerigol.

20/054 **YMDDIHEURIADAU** : Cyng. Jamie Jones
 Cyng. Bob Parry - Cynghorydd Sir.

20/055 **DATGANIAD O DDIDDORDEB** : Dim.

20/056 **HEDDLU GOGLEDD CYMRU** : Dim Cynrychiolwyr.
 Cadeirydd yn adrodd fod dim materion yn ymwneud a'r Heddlu wedi eu hanfon i'r Swyddfa

20/057 **I DDERBYN CYWIRDEB COFNODION CYFARFOD LLAWN 14.12.2020**
 Cadeirydd yn adrodd fod yr Aelodau wedi cael cyfle o flaen llaw i edrych trwy'r Cofnodion uchod.
 Cyng. Terry Jones yn Cynnig a Cyng. Richard Parry yn Eilio i dderbyn y Cofnodion fel rhai cywir. **PENDERFYNWYD** derbyn y Cofnodion.

20/058 **I YSTYRIED MATERION YN CODI O GOFNODION 14.12.2020**
 Cadeirydd yn datgan, os bu unrhyw gwestiynau yn codi o'r Cofnodion uchod, gofynnwyd i'r Aelodau gysylltu gyda'r Swyddfa, o flaen y Cyfarfod, i arbed amser yn ystod y cysylltiad TEAMS.
 Clerc yn cadarnhau fod dim ymholiadau/cwestiynau wedi eu derbyn trwy'r Swyddfa o flaen y Cyfarfod.

20/059 **CYNLLUNIO**
1 **I DDERBYN PENDERFYNIADAU AELODAU'R IS-BWYLLGOR CYNLLUNIO AR YMGYNGHORIADAU CYNLLUNIO – RHAGFYR 2020**
 Cyng. J. Egryn Lewis yn datgan ei fod yn anfodlon gyda'r drefn bresennol o brosesu'r Ymgynghoriadau Cynllunio a bod angen edrych ar ail-gynnal yr Is-bwyllgor Cynllunio.
 Cyng. Ieuan G. Davies, fel Cadeirydd yr Is-bwyllgor Cynllunio, yn ymateb fod y Swyddfa ac Aelodau'r Is-bwyllgor Cynllunio yn gwneud y gorau, o dan yr amgylchiadau anodd yma, i ymateb i'r Ymgynghoriadau Cynllunio yn fisol.
 Cadeirydd yn cadarnhau fod y Ceisiadau Cynllunio yn cael eu derbyn Ar-lein gan Gyngor Sir Ynys Môn, cael eu hanfon ymlaen trwy'r Swyddfa at Aelodau'r Is-bwyllgor Cynllunio, i dderbyn unrhyw sylwadau. Yn dilyn y broses yma, bydd y sylwadau yn cael eu hanfon ymlaen i Adran Cynllunio'r Cyngor Sir.

PARHAD 20/059

Cyng. J. Egryn Lewis yn datgan ei fod yn awyddus i'r Is-bwyllgorau gael eu hail-gynnal.

- 2 Ymgynghoriad Cyn Cyflwyno Cais C6 & C7 Parc Bryn Cefni**
- 3 Penderfyniad Apel OP/2019/10 – Tir yn Ty'n Coed, Llangefni**

Gohebiaeth ynglŷn â'r uchod wedi eu hanfon i'r Aelodau, er gwybodaeth - Dim Trafodaeth.

Cadeirydd yn datgan fod Cyng. John Lee yn cael trafferth cysylltu i Linc TEAMS ac ar hyn o bryd ddim yn gallu cymered rhan yn y Cyfarfod.

20/060 I DDERBYN UNRHYW GYFATHREBION Y MAER :

Cadeirydd yn datgan fod dim byd i'w ychwanegu ers Cyfarfod Mis Rhagfyr 2020, ond rhoi gwybod o'r canlynol :

Noson "Tree of Lights", Clwb Rotary 11.12.2020 – Achlysur yn cael eu ffrydio'n ddigidol, a'r Elw yn mynd tuag at Hosbis Dewi Sant yng Nghaerdybi.

20/061 MATERION YN CODI GAN AELODAU :

Clerc yn cadarnhau fod dim materion wedi eu derbyn trwy'r Swyddfa.

Derbyn.

20/062 ADRODDIAD Y CLERC

- 1 Ehangu'r Fynwent, yn Llangefni** - Clerc yn datgan i'r Aelodau, yn dilyn dwy flynedd o ymchwil a thrafod gyda Uwch Swyddogion Cyngor Sir Ynys Mon, yn anffodus does dim datblygiad pellach wedi eu wneud ar gyfer dod o hyd i dir addas i ehangu'r Fynwent yn Llangefni.

Clerc yn arwain yr Aelodau trwy Gynodeb dyddiedig 06.01.2021, yn amlinellu opsiynau'r Cyngor Tref, yn dilyn Cyfarfod ar 17.12.2020, gyda Uwch Swyddogion Cyngor Sir Ynys Mon.

- **Opsiynau : Gwneud Dim**
- **Cyflwyno Ail-Gais i Gyfoeth Naturiol Cymru**
- **Prynu Tir**

Clerc yn datgan pryder fod Plotiau gwag yn brin iawn yn y Fynwent ac bod angen symud ymlaen fel mater o frys. Clerc yn esbonio ymhellach fod gwneud dim am siomi trigolion y Dref.

Ail-gyflwyno Cais i Gyfoeth Naturiol Cymru i roi estyniad ar y Fynwent bresennol, gyda Cost Amcan Gyfrif rhwng £20,000.00 a £30,000.00 i baratoi'r tir, agor traen dyfn, a.y.b., wedyn efallai ennill tua 20 o Blotiau ychwanegol.

Prynu Tir ar gyfer Mynwent Newydd. Tir gyda photensial i greu Mynwent Newydd wedi dod i sylw Gwerthwyr Tai Lleol, gyda'r lleoliad o fewn datblygiad cyfrifoldebau'r Dref. I symud ymlaen efo'r opsiwn yma buasai angen gwneud cais i brynu'r tir drwy fenthyciad dros gyfnod o 50 mlynedd, gyda chostau ychwanegol a chostau datblygu. Hefyd edrych ar ddefnyddio Cytundeb Adran 137 gydag arian wrth gefn.

Manteision o brynu tir ydyw, wrth gwrs cael Mynwent Newydd i'r dref, sicrhau incwm wrth osod gweddill y tir ac ehangu Asedau'r Cyngor Tref a sicrhau bod tir yn ein meddiant ar gyfer y dyfodol.

Yn dilyn trafodaeth hir, bu mewnbwn gan yr Aelodau fel a ganlyn :

- Cyng. Christine Roberts – Holi am gostau'r benthyciad – Clerc yn ymateb;
- Cyng. Dylan Rees – Awgrymu Ymgynghori yn lleol cyn mynd ymlaen gyda'r Cais i brynu tir/neu rhentio tir;

- Cyng. Victor Hughes yn awgrymu ail-edrych ar y Cais i Cyfoeth Naturiol Cymru gyda ymgynghoriad pellach efo Cwmni e-geo Solutions a wnaeth Ymchwiliadau Daear yn y gorffennol;
- Cyng. Ieuan Davies yn datgan fod trigolion ardal Maes Hyfryd/Lon Newydd yn anfodlon newid y tir gwyrdd yma ac ail-leoli'r Maes Chwarae i ddarparu ar gyfer estyniad i'r Fynwent;
- Cyng. Non Parry yn cytuno gyda sylwadau Cyng. Ieuan Davies ac yn awyddus symud ymlaen i brynu tir;
- Cyng. Arwel Mon Hughes yn cadarnhau fod y tir mewn sylw yn dir amaethyddol o safon uchel gyda photensial i'r dyfodol ac hefyd yn dir sych a fuasai yn addas iawn ar gyfer Mynwent Newydd i'r Dref;
- Cyng. J. Egryn Lewis yn cytuno mewn egwyddor i symud ymlaen gyda'r Cais a edrych ar gael Prisiad.

Cadeirydd yn ychwanegu fod brys i symud ymlaen a dyddiad cau i gyflwyno'r Tendr ydyw 10.02.2021.

Cyng. Dylan Rees yn gadael y Cyfarfod ac wedi gadael ei Adroddiad Misol yn y Bwlch CHAT.

Cyng. J. Huw Owen yn cynnig mai'r penderfyniad terfynol ydyw i roi hawl i'r Clerc i gyflwyno Cais Llywodraeth Cymru (Community and Town Councils Borrowing Approval Application Form), fel a ganlyn : " Please provide a copy of the document produced by the council when the decision was made to apply for a borrowing approval e.g. the minutes of the council meeting".

PENDERFYNWYD yn unfrydol, drwy bleidlais, i'r Clerc wneud Cais i Lywodraeth Cymru, i gymeradwyo benthyciad ariannol i sicrhau fod y Cyngor Tref yn gallu rhoi cynnig ar dir i greu Mynwent Newydd.

- 2 (a) **Cae Criced** – Clerc yn adrodd ar y diweddariad ei fod yn disgwyl am gadarnhad o gostau Bargyfreithiwr i lunio Cytundeb ar gyfer trosglwyddo'r tir uchod i'r Cyngor Tref. O dan yr amgylchiadau, gan fod y mater ddim yn symud ymlaen, mae Cyfreithiwr y Cyngor Tref wedi cynnig i Gyfreithiwr yr Ymddiriedolwyr y byddai hi yn fodlon gwneud y gwaith uchod er mwyn dod a'r mater i ben. Dim cynnydd ar hyn o bryd. **Derbyn.**
Cadeirydd yn cydymdeimlo gyda Chyfreithiwr yr Ymddiriedolwyr ar ei Brofedigaeth o goll ei Dad, Mr. Ieuan Redvers Jones. Cydymdeimladau Diffuant i'r Teulu hefyd.

- (b) **Tir Tu Cefn i'r Lllys** – Clerc yn ymddiheuro fod dim ymateb gan y Perchennog ers i Gyfreithiwr y Cyngor Tref anfon Cytundeb Drafft iddo i'w gymeradwyo, er mwyn gwblhau'r Pryniant. **Derbyn.**

20/063 ADRODDIAD PWYLLGORAU ALLANOL :

- 1 Cymdeithas Rhandir Llangefni - Cylchlythyr** - Wedi ei anfon i'r Aelodau, er gwybodaeth - Dim Trafodaeth.

20/064 CYLLID :

- 1 I Dderbyn Mantolen Ariannol Rhagfyr 2020**

Cyng. Christine Roberts yn tynnu sylw at Daliad 23.12.2020 - £202.13 - Vodafone - Ffonau Staff. Clerc yn esbonio mai blaendaliad oedd y cyfanswm uchod ar gyfer tair Ffon Symudol i'r Staff weithio o adref pan fo angen, o dan yr argyfwng COVID-19 ac hefyd i hwyluso'r gwaith o ddydd i ddydd.

PARHAD 20/064

Cyng. J. Egryn Lewis yn holi ynglŷn â Thaliad 02.12.2020 - £1,000.00 - Lwfans y Maer 2020. Cadeirydd yn cadarnhau fod y taliad yn cynnwys y flwyddyn hyd at Ebrill 2021. Yn dilyn yr esboniadau uchod, Cyng. Ieuan G. Davies yn Cynnig a Cyng. Christine Roberts yn Eilio i dderbyn y Fantolen Ariannol uchod. **PENDERFYNWYD** derbyn mantolen Ariannol Mis Rhagfyr 2020.

2 PRECEPT 2021/2022

Clerc yn adrodd bydd Cyfarfod o'r Is-bwyllgor Cyllid ac Amcanion Cyffredinol yn cael ei drefnu yn fuan oherwydd bod ffigwr y Precept 2021/2022 angen bod yn barod i'w gyflwyno i'r Cyfarfod Llawn ar 8fed o Chwefror 2021. Clerc a Cyng. Non Parry, fel Cadeirydd Is-bwyllgor Cyllid ac Amcanion Cyffredinol, am wneud y trefniadau priodol. **Derbyn.**

20/065 ADRODDIAD MISOL CYNGOR SIR YNYS MÔN

Cyng. Dylan Rees, Cyngorydd Sir yn adrodd ar y canlynol :

- 1** Sefyllfa Covid-19 ar draws yr Ynys yn frawychus ac yn waeth nac erioed. Llythyr wedi mynd ar rieni disgyblion Ysgolion Gynradd ardal Llangefni heddiw i atgoffa nhw bod Hwbyn Ysgolion ond i blant gweithwyr allweddol. Mae niferoedd y plant yn yr Hwb ar hyn o bryd yn uwch na'r lockdown cynt.
- 2** Mi fydd y Pwyllgor Gwaith yn cyfarfod Dydd Llun nesaf i drafod Cyllideb 2021/22. Oherwydd mae'r setliad sydd wedi dod gan Gaerdydd yn hwyr dim ond bythefnos bydd ar gael i ymgynghori efo'r cyhoedd.
- 3** Eitem 20/059(3) - Penderfyniad Apêl Tir yn Ty'n Coed. Braff gweld Yr Arolygiaeth Cynllunio yn gwrthod yr Apel. Trigolion Ty'n Coed yn hapus iawn efo'r penderfyniad ac yn gwerthfawrogi'r gefnogaeth gan y Cyngor Tref a'r Cyngor Sir.
Cadwch yn saff pawb.

20/066 GOHEBIAETH A MATERION NEWYDD : Dim.**20/067 GOHEBIAETH : ER GWYBODAETH**

- 1** **Un Llais Cymru** – Cadeirydd yn adrodd fod gwybodaeth yn ymwneud a Sesiynau Hyfforddiant wedi eu hanfon ymlaen. **Derbyn.**
- 2** **Materion Eraill** - **Derbyn.**

20/068 I YSTYRIED UNRHYW FATER BRYG GAN Y CADEIRYDD : Dim.

Cadeirydd yn rhoi gwybod i'r Aelodau, oherwydd sefyllfa ddifrifol COVID-19, ac angen i pawb gadw'n ddiogel, mae Swyddfa'r Cyngor Tref wedi cau. Mae Staff y Swyddfa yn gweithio o adref am yr wythnosau bregus nesaf ac ar gael ar y Ffon gydag unrhyw fater brys.

Cadeirydd hefyd yn diolch yn fawr i'r Aelodau am eich amynedd trwy gysylltiad TEAMS heno a cadewch yn saff.

20/069 DYDDIAD Y CYFARFOD NESAF

Nos Lun, 8fed o Chwefror 2021 am 6.30y.h. drwy gyfrwng TEAMS.

CYNG. MARGARET THOMAS - CADEIRYDD